

Briff Gwybodaeth i Fyfyrrwyr

Gwobr 'Meddylwyr y Dyfodol Bevan' ym maes Iechyd a Gofal yr Athro Syr Mansel Aylward

'Mae'n bleser ac yn ffrind gennyf roi fy enw ar gyfer y wobr bwysig hon. Rwy'n frwdfrydig am yr angen i arloesi a meddwl yn wahanol am iechyd a gofal er mwyn i ni allu sicrhau bod yr etifeddiaeth a adawodd Aneurin Bevan i ni yn addas i'n cenhedlaeth yn y dyfodol', Yr Athro Syr Mansel Aylward.

Beth yw hi?

Mae Gwobr Meddylwyr y Dyfodol Bevan yn rhoi cyfle i fyfyrwyr sy'n ymgymryd ag astudiaethau sy'n ymwneud ag iechyd a gofal ledled Cymru ddarparu dealltwriaeth a gweledigaeth ffres i lywio barn Comisiwn Bevan wrth sicrhau iechyd a gofal cynaliadwy sy'n addas ar gyfer y dyfodol. Bydd enillwyr yn cael gwobr a'r manteision eraill a amlinellir yn y ddogfen hon.

Yr Her:

Rydym yn gofyn i fyfyrwyr ddisgrifio 'Sut olwg dylai fod ar wasanaethau iechyd a gofal yng Nghymru yn 2050 a **beth** bydd angen ei wneud i gyflawni **hyn**?

Er mwyn helpu i ysgogi eich meddyliau, ac fel canllaw, efallai yr hoffech ystyried y pwyntiau canlynol:

- Sut gallai gwasanaethau fod yn fwy **cynaliadwy, hygyrch a pherthnasol** i'r boblogaeth?
- Sut gallem i gyd wneud y defnydd gorau o'r holl **sgiliau ac adnoddau sydd ar gael** i gyflawni iechyd a gofal mwy darbodus?
- Sut byddwn yn sicrhau **effaith a chynaliadwyedd amgylcheddol** ac economaidd?
- Sut bydd **tuaddiadau a ffactorau cymdeithasol ehangach y boblogaeth yn dylanwadu ar y galw am wasanaethau iechyd a gofal**?
- Beth yw'r prif **heriau a chyfleoedd** y gallem eu hwynebu a sut gellir goroesi a manteisio i'r eithaf ar y rhain?
- **Pa wersi y gellir eu dysgu** o'r gorffennol a'r presennol yn genedlaethol ac yn rhyngwladol a allai fod yn berthnasol i Gymru?

- Pa gyfrifoldebau y dylai cleifion, gweithwyr proffesiynol, y llywodraeth a byrddau iechyd eu cymryd er mwyn galluogi GIG mwy iach a chynaliadwy sy'n addas i'r dyfodol?
- **Pa rôl/fath o dechnoleg y gellir ei defnyddio** ym maes iechyd er mwyn gwella darpariaeth gwasanaethau, mynediad at wasanaethau a phrofiad y claf?

Amcanion Comisiwn Bevan:

- Ymgysylltu â dealltwriaeth a syniadau creadigol ein darpar arweinwyr ifanc y dyfodol ym maes iechyd a gofal yng Nghymru.
- Ennyn eich brwdfrydedd a'ch canfyddiadau ynghylch sut olwg gallai fod ar y dirwedd iechyd a gofal yng Nghymru yn 2050. Mae hyn yn cynnwys tueddiadau, heriau, ffactorau dylanwadol a chyfleoedd arloesol.
- Llywio a dylanwadu ar farn Comisiwn Bevan ar gyfer y dyfodol wrth bennu gwasanaethau iechyd a gofal darbodus a chynaliadwy sy'n addas ar gyfer y dyfodol i bobl yng Nghymru.
- Cefnogi datblygiad cymuned amrywiol ac amlddisgyblaethol o ysgolheigion ifanc, ymarferwyr ac arweinwyr y dyfodol ar draws maes iechyd a gofal yng Nghymru.

Am ragor o wybodaeth am Gomisiwn Bevan, ewch i - [Hafan - Comisiwn Bevan](#)

Pam cyflwyno cais?

Byddwch yn cael y cyfleoedd canlynol:

- Cyfrannu at farn cymuned o feddyliau mawr sy'n adnabyddus yn rhyngwladol sy'n rhan o Gomisiwn Bevan.
- Dylanwadu wrth gefnogi'r gwaith o drawsnewid a datblygu gwasanaethau iechyd a gofal y dyfodol yng Nghymru.
- Cynrychioli llais pobl iau yng Nghymru, sef y genhedlaeth nesaf o ddefnyddwyr gwasanaethau ac arweinwyr systemau iechyd a gofal ledled ein cenedl.
- Cefnogi eich datblygiad yn bersonol ac yn broffesiynol, a rhwydweithio â rhai o'r bobl a'r meddyliau mawr mwyaf blaenllaw yn y maes hwn.
- Bydd Comisiwn Bevan yn cyhoeddi'r ceisiadau buddugol ac yn eu hyrwyddo'n fwy eang.

- Ymunwch â *Chymuned Meddylwyr y Dyfodol Bevan ym maes Iechyd a Gofal* a fydd yn dod â'r meddyliau ifanc mwyaf disglair ledled Cymru at ei gilydd mewn cymuned ymarfer weithredol.
- Bydd enillwyr Gwobr Meddylwyr y Dyfodol Bevan yn cael gwobr hefyd.

Manylion am y Wobr:

- Bydd y gystadleuaeth yn agor ddydd Gwener 13 Ionawr 2023, a'r dyddiad cau ar gyfer cyflwyno ceisiadau fydd dydd Gwener 24 Mawrth 2023.
- Caniateir ceisiadau gan fyfyrwyr o fyd Addysg Uwch sy'n astudio cyrsiau israddedig ac ôl-raddedig sy'n ymwneud ag iechyd a gofal.
- Dylai ceisiadau fod yn gyfrifon ysgrifenedig byr (hyd at 2,500 o eiriau). Mae croeso i fyfyrwyr nodi cynnwys ategol megis delweddau, cerddi, blogiau, fideos, clipiau sain etc.
- Dylai ceisiadau ystyried y pwyntiau cyfeirio ar dudalen 1 yn yr adran 'Yr Her'.

Gwobrau:

- Gwobr.
- Cyfle i ymuno â chymuned newydd o feddyliau mawr o'r un meddylfryd ledled maes iechyd a gofal yng Nghymru.
- Arddangos syniadau i Gomisiwn Bevan ac fel rhan o ddigwyddiadau cyfathrebu ehangach.

Asesu:

- Caiff pob cais ei sgorio gan banel o aelodau Comisiwn Bevan a phobl flaenllaw eraill o bob cwr o Gymru, ar sail meini prawf gosod.
- Caiff rhestr fer o'r ceisiadau gorau ei llunio, a bydd yr ymgeiswyr hynny'n cyflwyno eu syniadau gerbron panel o Gomisiynwyr Bevan lle bydd gofyn iddynt ymhelaethu ar eu syniadau a'u meddyliau.
- Bydd enillwyr yn cael cyfle i gyflwyno/arddangos eu prosiectau'n fwy eang ledled Cymru a'r tu hwnt.

Cymorth:

- Cynigir i fyfyrwyr ddwy sesiwn briffio gwybodaeth ar-lein, ac fe'u hanogir i ymuno, chwe wythnos cyn y dyddiad cau ar gyfer cyflwyno ceisiadau i'r gystadleuaeth.

Adnoddau:

[Egwyddorion gofal iechyd darbodus - Comisiwn Bevan](#)

[Comisiynydd Cenedlaethau'r Dyfodol Cymru - Gweithredu heddiw ar gyfer gwell yfory](#)

[The Inverse Care Law in 2021 - Sefydliad Materion Cymreig \(iwa.wales\)](#)

[70 years of the NHS: How Aneurin Bevan created our beloved health service | The Independent | The Independent](#)

[Welsh NHS needs to 'radically' change to recover from the pandemic, says NHS Wales boss | Newyddion ITV Cymru](#)

Am ragor o wybodaeth ac i gyflwyno eich cais am Wobr Meddylwyr y Dyfodol Bevan, defnyddiwch y ddolen hon:

<https://www.bevancommission.org/the-professor-sir-mansel-aylward-bevan-future-thinkers-in-health-and-care-award/>

Os oes cwestiynau gennych am Wobr Meddylwyr y Dyfodol a'r broses cyflwyno cais, mae pob croeso i chi gysylltu â Chomisiwn Bevan- Bevan-Future-Thinker@swansea.ac.uk